

- I. Leisepredigt fürst Erhard zu Anhalt samt der Leisepredigt.
- II. Elegia in Obitu Welfgardi Principis Anhaltini.
- III. Leisepredigt fürst Welfgardi zu Anhalt samt 2 Leisepredigten.
- IV. Epitaphium Hagae Filiae Joachimi Ernesti Principis Anhaltini.
- V. Leisepredigt f. Casparium Bürgermeistern zu Meissen.
- VI. Leisepredigt f. Marien Fürstin zu Anhalt.
- VII. Leisepredigt f. Johanna zu Anhalt.
- VIII. Leisepredigt f. Philippen Herzogen zu Detmold.
- IX. Leisepredigt Dembrandt Caspar Bürgerm. zu Meißelburg.
- X. Leisepredigt für Er. Ferdinando gesalten.
- XI. Funerale Ferdinandi.
- XII. Leisepredigt f. Marien Fürstin zu Anhalt.
- XIII. Leisepredigt Johan Majers.
- XIV. Leisepredigt für Jacobum Hertogen zu Wittenberg.
- XV. Leisepredigt Frau Margarethen Van Armin.
- XVI. Epitaphium ad Christianum Baro Wittenbergensem.

EX LIBRIS
 ILLVSTRISSIMI VIRI,
 DN. DAN. LVDOLPHI,
 LIB. BAR. de DANCKELMANN,
 S. REG. MAI. BORVSS. CONSILIARII
 STATVS INTIMI, cetera,
 BIBLIOTHECÆ ACAD. FRIDERICIANÆ
 TESTAMENTO RELICTIS.

Nec. 23

Warhafftiger Be-
 richt/von dem Tödlichen abscheidt
 des Erbarn Wolweisen Herrn Bernhart Cos-
 sen/regierenden Burgermeisters der löb-
 lichen alten Stadt Magde-
 burgk Seligen.



MATTH: XIII.

Die Gerechten werden leuch-
 ten wie die Sonne in ihres Va-
 ters Reich.



Zu Magdeburgk druckts
 Andreas Ghene.

M. D. LXV.

*Reverendo Viro, veneratione et
 reverentia spectandi, D. M. Abrahamo
 Vlarro Chanoys pastori ecc-
 lesie cathedrae, ad D. Basilien-
 sem, amico et fratri suo charis-
 simo. Fried.*

29



Erhardspastor

Ich bin dem ...
das ...
in ...
haben ...
dies ...



MATTH. XII

Die ...
in ...



In ...
...

M. D. LXX.

Handwritten text in a cursive script, likely a library or archival stamp, containing names and dates.



Den Erbarn/Wolweisen/Vorsichti-
gen Herrn Marcus Gercken/ regirender Bürger-
meister / Thomas Sülten vnd Friderich Moris-
tzen Kemerer vnd andern Rathmannen vnd
Inningsmeistern der löblichen alten
Stad Magdeburgk / meinen ge-
bietenden günstigen
Herrn.

Erbare/ Wolweise/ Vorsichtige
gebietende günstige Herr/ Der allmechtis-
ge gütige Gott hat dem alten vnd jungen
Tobias grosse wolthaten erzeiget vnd bewiesen.
Dartzu er denn auch den heiligen Engel Raphael
in gestalt eines Mannes gesand/ vnd denselben
als ein mittel gebraucht hat/ wie im Buch Tobie
zu sehen ist. Als aber der alte vnd junge Tobias
den Engel nicht kanten/ in für einen fromen Man
hielten/ vñ nach durch in empfangen wolthaten
im gros geschencck anboten / vnd geben wolten/
da antworte er vnd sprach zu inen. Lobet vnd
dancket jr Gott bey jederman / das er euch solche
gnade erzeiget hat/ der Könige vnd Fürsten Rath
vnd heimlichkeit sol man verschweigen / Aber
Gottes werck sol man herrlich preisen / vnd of-
fenbaren.

A ij

Nhunn

Nun ist vnter andern gaben vnd wolthaten Gottes dis nicht die geringste / Wenn Gott einem ein Seliges ende vnd einen seligen abscheid aus dieser Welt bescheret vnd givet. Wenn ein mensch die gabe von Gott hat / das er Christlich lebet / das ist gar eine grosse herliche gabe Gottes. Aber Christlich sterben ist noch grösser / Denn mancher lebet eine zeitlang fein Christlich / vnd felt darnach wieder dahin / vnd wirdt verdampt. Wer aber Christlich stirbet / der ist vber den berg / hat das Kleinot erlanget / vnd wirdt gewislich ewige Seligkeit haben.

Dieweil denn der getrewe Barmhertzige Gott / vnsern lieben Herrn Burgermeister Bernhart Rosen / ein Seliges ende verlihen / vnd in dem grosse gnade an im bewiesen hat / So ist es billich / das wir für solche gabe vnd wolthat Gotte dancken / dieselbe rühmen vnd jederman zu erkennen geben / Den Gottes wolthaten sol man rühmen vnd nicht verschweigen / spricht der Engel. Vnd das ist auch also der wille Gottes.

Demnach habe ich nicht wollen vnterlassen / Warhafftigen bericht vom Christlichen abscheid des Herrn Burgermeisters Bernhart Rosen Seligen auff's papyr zu bringen / vnd an den tag zu geben. Vnd habe darmit auch vielen

len lügen vnd vnd lesterungen begegnen wollen/
Ich wil hoffen E. E. W. werden inen solches
günstig gefallen lassen / Darumb ich denn auch
gantz freuntlich / vnd dienstlich wil gebeten ha-
ben. Der allmechtige Gott stercke/ erhalte/ vnd
regiere E. E. W. zu Christlicher glückseliger re-
gierung Amen.

E. E. W.

Dienstw:

Chilianus Friderich/
Pfarherr zu S. Jo-
hannes.



A iii

JN



In diesem jet lauffenden
1565. Jahr am sechs vnd
zwanzigsten tage Junij / ist der
Erbare / Wolweise Herr Bern-
hart Lose / regierender Burger-
meister seliger / mit Leibes schwach-
heit beladen worden. Doch war es mit seiner
schwachheit also geschaffen / das er in der Stube /
vnd im Hause kundte vmbher gehen / ausgenom-
men etliche wenig tage vor seinem ende. Er klag-
te fürnemlich vber die mattigkeit vñ ohnmacht /
Denn essen vnd trincken wolte im nicht zu Leibe /
vnd hatte mangel am natürlichen Schlaff. Es
war auch das Wetter die zeit seiner schwachheit
seer heis / vnd schwuel / welchs in denn auch nicht
ein wenig schwach / vnd mat machte. Vnd wie
wol der Aeltbare vnd wolgelarte Magister Lu-
cas Gercke / als ein gelarter / vnd erfarnier Artzt /
allen müglichen fleis mit aller vorsichtigkeit an-
gewand / vnd auch sonst an handreichung / vnd
wartnis kein mangel gewesen / So ist dennoch
der Herr Burgermeister den 20. tag Julij dieses
65. Jhars im Herrn entschlaffen.

Den neunden tag Julij / da er noch stehen
vnd gehen kundte / nam er das heilige Sacra-
ment / welchs er denn auch nicht gar lange vor
seiner Franckheit empfangen hatte.

Als

Als er seine beichte that / gedachte er auch
der fürgelauffnen Wesshusischen hendel / vnd
sprach: Was ich / Wesshusium / vnd die andern
betreffende / gethan habe / das habe ich nicht aus
neid / oder hass gethan / sondern ich habs von
ampts wegen thun müssen. Ich bin niemande
feindt. Künnte ich Wesshusio heute diesen tag / in
einer sache / darinne er recht hette / dienen / ich wol
te es thun. Wolt Gott Wesshusius vnd die an
dern hettens also gemacht / Das man keinen ernst
wieder sie hette brauchen dörfen. Gott vergebens
jnen / was sie mit irem schmehen / lestern / vnd
schenden wieder diese Stadt gethan haben. Vnd
da ich in fürgelauffnen hendeln ja etwas zu viel
gethan habe (als ich doch nicht weiß) So bitte
ich das mirs der liebe Gott neben andern meinen
Sünden gnediglich verzeihen / vnd vergeben
wolle. Denn Gott ist gnedig vnd Barmhertzig /
vnd wil vns vmb Christi seines Sons willen alle
vnser Sünde vergeben etc.

Als ich auff solche wort / vnd auff gethane
beichte / nach notturfft mit im redte / vnd im vom
Herrn Christo / von seinem leiden / sterben / vnd
verdienst sagte / das er sich des trösten vnd sich
darauff verlassen solte / da sprach er / ja das ist der
rechte grundt / darauff ich mich verlassen wil.
Darauff sagte ich weiter zu im : Ja Herr Bur
germei-

germeister / vnser lieber **D**Err vnd heiland **J**hesus Christus ist der rechte / vnd einige grund vnser Seligkeit / auff den sollet jr trawen vnd bawen / vnd euch auff in verlassen / So werdet jr nicht zu schanden werden. Denn **J**ohannis am dritten spricht er: Also hat **G**ott die **W**elt geliebet / das er seinen eingebornen **S**on gab / auff das alle die an in glauben nicht verloren werden / sondern das ewige leben haben. Vnd **S.** Petrus spricht: Von dem **D**Errn **C**hristo / geben zeugnis alie **P**ropheten / das durch seinen namen / alle die an in glauben / vergebung der **S**ünde empfaben sollen etc.

Vnd dieweil der **D**err **B**urgermeister sich in seiner beicht für einen **S**ündigen menschen bekandt / rew vnd leid vber seine **S**ünde gehabt / vnd darneben seinen glauben an den **D**ERRN **C**hristum bekandt hat / So habe ich im derhalben auff seine bitte die heilige absolution mit getheilet / vnd habe im auch folgendes das **D**ochwürdige **S**acrament nach der einsetzung vnser **D**Errn **J**hesu **C**hristi gereicht / Welchs er denn mit busfertigem / vnd gläubigem hertzen / zur sterckung seines glaubens / empfangen hat.

Des **B**annes **B**artholomei **S**trelen gedacht er auch / vnd sagte: Das **B**artholomeus nicht

nicht nach dem befehl Christi / Sondern aus
lautrem frenel vnd mutwillen / nach getriebe des
bösen Geistes / gebannet hette / Derwegen in der
selbige Ban nichts irrete / Er hielte in für einen
vnchristlichen vnd nichtigen Ban / wie er denn
auch in der warheit ist.

Es ist der Herr Burgermeister die gantze zeit
seiner krankheit gar fein geduldig gewesen / wie
alle die jenigen die vmb in gewesen sein / bekennen
müssen. Vnd hat sich in den gnedigen willen
Gottes fein ergeben / vnd hat offit gesagt : Wil
mich Gott fristen / vnd sol ich noch mehr vndancf
in dieser Welt verdienen / so geschehe sein wille.
Sol ich aber in dieser meiner schwachheit sterben /
vnd diese Welt lassen / so bin ichs auch wol zu
frieden. Es mus doch ein mal gestorben sein.
Sterbe ich itzt / so darff ich hernacher nicht ster-
ben. Ich lebe oder sterbe / so bin ich ein kind des
allmechtigen Gottes / vnd weis das ich nach die-
sem leben ewiges leben vnd ewige seligkeit zu ge-
warten habe / von wegen des Herrn Christi / der
mirs verdienet vnd erworben hat.

Da er gar lagerhafftig worden ist / vnd nicht
mehr hat können vmbgehen / hat er zum offter-
mal diese wort gesprochen. Gott der Vater wone
vns bey / vnd lass vns nicht verderben. Nach vns

B

von

von allen Sünden frey / vnd hilff vns Selig
sterben. Vnd so fort/bis zu ende des Liedes.

Es sind auch sonst viel feiner Christlicher re-
den von jm in seiner Kranckheit gehört worden.
Denn vnter andern hat er gesagt: Ich bin ein
grosser Sünder. Erbarm dich mein O D^{er}re
Gott/nach deiner grossen barmhertzigkeit etc.

Item / Mit vnser macht ist nichts gethan/
wir sind gar bald verloren / Wenn du D^{er}re dei-
ne Hand abzeugest.

Item: D^{er}re vermehre in mir meinen schwach-
en glauben.

Den 12. Julij hat er zum Pfarherrn zum
Heiligen Geist gesagt: Lieber Pfarherr / diese
Kranckheit habe ich nirgent von / als von sorge
vnd mühe. Denn jr glaubets nicht / welch ein
schwer / müheselig ding es itziger zeit vmb die re-
gierung ist. Es gehet itzt also zu / das einer wol
bitten möchte/ das in Gott mit gnaden aus dieser
Welt neme. Ich habe am nehisten Montage
das heilige Sacrament/den waren Leib/vnd das
ware Blut meines D^{er}rn vnd Deylandes Jhesu
Christi empfangen / Gott schicke es mit mir
wie es sein gnediger wille ist/ ich weis das ich ver-
gebung der Sünden habe/ vnd das ich nach dies-
sem leben werde ewige Seligkeit haben.

Den

Den Neunzehenden tag Julij hat in der
Herr D. Frantz Pfeyl/Syndicus / vnd der Herr
Rector M. Siegfridus besucht / Da hat der
Herr Burgermeister vnter andern zu inen gesagt:
Essen vnd trincken wil mir nicht schmecken/es ist
mit mir auff der neige. Es ist gut das man in die
Kirche zur Predigte gehet / Denn man höret bis
weilen etwas/ das man sein lebtage behelt. Ich
habe vor langer zeit ein mal in einer Predigte ge
hört / das Sanct Bernhardus gesagt hat / Er
wüste keinen andern trost / dan das er gedechte/
an die Wunden des Herrn Christi. Also wil ich
auch thun. Dieweil mir essen vnd trincken nicht
schmecken wil / So wil ich trincken aus den
Wunden meines Herrn vnd Heylandes Jhe
su Christi/vnd wil mich da mit laben/ etc.

Solche vnd dergleichen viel andere Christ
liche reden mehr/sind von im in zeit seiner Franck
heit gehört worden / welchs warlich wort sein/
die nicht menschliche weisheit/ sondern der heili
ge Geist leret. Vñ ist daraus sein zu sehen/das der
Herr Burgermeister ein Tempel vnd eine wo
nung des heiligen Geistes gewesen / vnd bis in
sein ende geblieben ist.

Am zwanzigsten tage Julij / welcher war
der Freytag nach Margarethe / vor mittage umb
neun vhr/ist der Herr M. Lucas Gercke sein Me
dicus

B ij

dicus

dicus zu im komen/in zu besuchen / Dat allerley mit im geredt / vnd nicht gemeint / das er so bald het verscheyden sollen. Vnd dieweil der Herr Burgermeister etwas von seinen Gütern zu Kirchen/Schulen/vnd Hospitalien etc. zu geben bedacht / So hat er befohlen den Herrn Secretarium M. Heinrichum Merckel zu ruffen/auff das er mit demselben dauon reden möchte.

Als aber der Herr Secretarius kômpt/vnd der Herr Burgermeister anhebt mit im von seinem Christlichen fürhaben zu reden / da wird er bald darauff gar stille. Der Herr M. Lucas spricht in an/tröstet in mit Gottes Wort/betet im das Vater vnser für/Vnd eben in dem da der Herr Burgermeister das Amen darauff spricht / beschleust er mit dem Amen sein leben/vnd gibt den Geist auff.

Vnd als er verscheyden ist/hat er weder hand noch fuß geregt/hat auch nicht ein mal gezuckt/vñ ist also ohne schmerzen des Todes im Herrn fein sanfft entschlaffen. Wie denn solches alles mit angesehen haben der Herr Secretarius / der Herr M. Lucas / Peter Treske ein Burger / Vnd darneben etliche Weibs Personen / die bey seinem ende gewesen. Als ich auff geschene erforderung kam / war er albereit verschieden. Vnd hat der Herr

Herr M. Lucas / vnd der Herr Secretarius gesagt / das sie ire lebtage einen solchen stillen sanfften / vnd leichten Tod kaum gesehen / vnd hieltens dafür / das er nicht sanffter hette können entschlaffen.

Es ist aber nicht vergebens / vnd ohne gefehr geschehen / das der gütige Gott dem Herrn Burgermeister / den die giffrige / feindselige leute / nicht allein auff's greulichste gelestert / vnd geschendet / sondern auch gar schrecklich verflucht / verdampt / vnd vermaledeyet haben / vñ mit grosser begir gehofft / das sich etwas schrecklichs in seinem abescheid het sollen zu tragen / da mit sie hetten zu frolocken gehabt / solche grosse gnade erzeigt vnd im ein solches seliges / vnd sanfftes ende / als einer begeren vnd wünschen möchte / gegeben / vnd den Fluch in einen Segen verwandelt hat. Vnd ist der Herr Burgermeister vber die Fünff vnd funffzig jahr alt gewesen / da er gestorben ist / welchs dennoch zu dieser zeit ein fein alter ist.

Wens Gottes wille were gewesen / so were zu wünschen / das er noch lenger hette leben müssen. Denn er war ein ehrlicher auffrichtiger Man. Den lügen / vnd vnbillichen dingen war er sehr feind / vnd war hefftig dar widder. Er hat

B ij jeders

jederman gerne audientz gegeben / vnd hat nicht die Person angesehen. Denn wenn auch etwas seiner besten Freunde einer eine sache für in gebracht / vnd vmb hülffe gebeten / so hat er geantwortet: Euch sol geholffen werden / so fern jr recht habt. Er that armen Leuten gerne guts / Wie er denn auch des vermögens war / das ers wol thun kundte / Vnd hielt sich vleissig zur Kirche / Denn er kam zur Predigte nicht allein auff die Sontage vnd andere Feyrtage / Sondern auch in der Woche auff die Werckeltage. Mit gemeiner Stadt hat ers treulich vnd gut gemeinet / vnd hat den gemeinen nutz nach seinem vermügen treulich gesucht vnd befördert. Wie denn des etliche stücken zum exempel künden angezeigt werden.

Weil vns denn Gott den Man / der gemeiner Stadt weiter hette können dienstlich vñ nützlich sein / genomen hat / so sind wir billich darüber betrübt. Doch ist vns das ein grosser trost / das in Gott so gnediglich / wie zuor vermeldet / aus diesem jammerthal zu sich in sein Reich genomen hat. Der frome getrewe Gott / gebe widerumb einen Christlichen nützlichen Man an seine stat / vnd verleihe vns auch ein seliges ende / wenn vnser zeit vnd stunde komen wird / das wir werden von hinnen sollen / **A M E N.**

Dierweil

Dieweil sichs denn mit dem tödlichen abes-
scheid des Herrn Burgermeisters Bernhard Los-
sen Seligen/ also verheilt / wie vermeldet ist / So
wird ein jeder wissen / was er dauon halten sol/
wenn im etwas/ diesem warhafftigen bericht zu
entgegen / wird für komen/ oder albereit für ko-
men ist. Wie denn in verschienen tagen am ort
ist gesagt worden / das der Herr Burgermeister/
als er gestorben / zween tage in der schweren seu-
che gelegen/ vnd grosse qual getrieben hette. Das
ist ja eine grobe lügen. Vnd der gleichen lügen
sind wol mehr / aus gespeiet worden. Dinfort
wirds auch nicht dran feilen.

Es haben ehemals die Heiden gesagt: De
mortuis nil, nisi bonum, Der todten sol man ehrlich ge-
dencken. Aber vnter vns / die wir wollen Chris-
sten sein gehets leider also zu / das man offt der
todten mit vnwarheit gar vbel gedencckt. Vnd
das sol nicht Sünde sein. Aber es kan Gotte nicht
gefallen/ darumb auch ein jeder Christen sich das
für sol hüten. Vnd wenn er höret das ander leute
so giftig vnd böse sein / das sie auch die todten
vnter der erden nicht können ruhen/ vnd mit
iren verleumbdungen vnbeschmeist
lassen / So sol er kein wolgefals-
len daran haben.



Faint, illegible text, likely bleed-through from the reverse side of the page.



Nh 81.

II

80

7

ULB Halle

3

004 053 613




TA-70L

Ant.







Warhafftiger Be-
richt/von dem Tödlichen abscheide
des Erbarn Wolweisen Derrn Bernhart Los-
sen/regierenden Burgermeisters der löb-
lichen alten Stadt Magde-
burgk Seligen.



MATTH: XIII.

Die Gerechten werden leuch-
ten wie die Sonne in jres Va-
ters Reich.



Zu Magdeburgk druckts
Andreas Ghene.

M. D. LXV.

*Reuerendo Viro, condatione et
venerabili personae, D. M. Abrahamo
Vlario Chamaes pastori, eccle-
siae catholicae, ad D. Bartholomaeum,
anno et festo suo charis-
simo. Fried.*

29

